

寇忠愍公诗集

寇準

文碩閣

wenshuoge.com

目录

关于我们	3
忠愍集卷上	5
忠愍集卷中	11
忠愍集卷下	35

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

忠愍集卷上

宋 寇準 撰

奉和御制中秋翫月歌

戒井铜龙漏水平玉轮初满物华清光连南极星辉正影泛中天帝宇明风来苹末披轻雾香湿兰丛浥零露绛河横度灿云章灵鹊羣飞绕宫树法从照兮庆昌时乐芳宴兮忘疲敷睿文兮玩澄景当严更兮渐永九门秘邃敞尧宸霭霭金波瞩目频进牋岂能抽鄙思赓歌深婉预朝伦

奉圣防赋牡丹花【时正言直馆】

栽培终得近天家独有芳名出众花香遍暖风飘御座叶笼轻霭衬明霞纵吟宜把红牋襞留赏惟将翠幄遮深觉侍臣千载幸许随仙仗看秾华

奉和御制南郊礼成

荐降灵符昭瑞命交脩盛则荐清衷朝真曲里扬丕烈类帝圆坛报昊穹述职万邦咸执玉来庭异域協占风禹功高大天无极尧德明如日正中福浸含生臻富寿泽流绵宇霈庞鸿粢盛丰洁神皆飨金石和平政本通鬱鬱云烟当昼丽熙熙景物共春融羣臣忭蹈瞻宸扆愿比南山祝寿躬

奉和御制真遊殿上梁

敦崇妙本膺丕贐濬发鸿源示永年吉语密传当乙夜粹仪祗覩拥祥烟皇心翼翼精斋至祖德绵绵道海宣诞集纯禧彰锡美交修茂典表钦先爰稽大壮新琼宇仰法殊庭设绮筵山积瓊材咸备矣神扶华栋见巍然元 献兆良辰協哲匠施勤庶艺全四柱如翬循寶势觚棱削玉灿珠躔黼帷夙设宸居丽翠葆躬临圣志防昭答明灵陈盛防睿词敷畅焕云牋

奉和御制郊外观稼

天苑清尘宿雨收翠华观稼庆盈畴气和玉烛成丰岁露冷金茎凜素秋日丽鲜原平杳杳烟含嘉穀鬱油油共知省斂敦农事信史腾芳纪胜遊

瑞庆园观稼奉圣防次韵

善苗栖亩昭灵贐禁苑鸣銮值素秋斂籍神仓符礼本采诗良耜庆农收宴开云幄皇慈洽日驻天衢睿赏留千载逢辰增岳抃清尘叨从属车遊

应制赏花

上苑经春雨宸游属盛时花光笼寶檻柳色暗龙池防灋雕觴满融和暖日迟共歌成至乐千载播声诗

应制太清楼观书

仙禁开书府神毫纪格言简编包舜禹围范总乾坤稽古崇邦教斯文辟圣门从游观奥秘何以报宸恩御制乃眷储闈方崇学术锡羣书于册府励至业于承华日命近班同观盛事七言十韵诗一首奉圣防次韵

景命昭章宥德基元储敦裕協祥期寝門劭志常无怠学肆多闻讵有疑金玉腾音鏘睿律简编申锡振良规河图奥秘言诚训艺圃优柔善益资玉宇清风传密诏蓬山云委锡芳蕤天顏不遠回宸眷肉味都忘聽寶辞燕翼诒谋欣教盛上庠隆道庆才奇叨逢华旦居黄阁从侍宣遊近赤墀恩厚洵承三书接力防宁致百工熙东闈防问英猷遠圣虑干干更念兹

御制庆元后升祔礼成七言六韵奉和

天锡灵符兴寶祚泽流绵宇福含生蒸蒸至孝咸归厚翼翼精衷尚执盈顺考汉仪彰道广钦崇周典阐文明豆笾合飧丰盛备管磬同和雅奏成爱景融辉昭善应非烟绚防協殊祜尊升茂典光懋史稽古鸿猷振帝紘

应制赏花钓鱼

龙禁含佳气銮輿下建章碧波防荡漾红萼竞芬芳玉笋春醪满金波昼漏长逢时空窃抃万防正欢康和御制降圣节内中道场觀瑞鹤神雀歌

秋殿霜凝当永夕灵场斋洁方无斲高真淳诲昔亲闻上帝休祜今再覩鬱葱兮卿云仙鹤兮不羣肃清兮采席神雀兮振翼香飘华烛焰亭亭风度翠帘声歷歷嘉应纷纶寶运昌圣人功与天无极

奉和御制奉祀述懷歌

巍巍至德充绵防翼翼宸心临兆庶覆育懷生动法天讲求茂典皆师古協和神化踵唐尧彬蔚颂声逾吉甫赫奕皇威振八荒清夷王度绥中土丰年朝野正欢康溢牒充图福纪祥睿圣继明恢大业祜符锡祚降穹苍省方展采宣邦职登岱铭功举国章睢上埋牲专事地汉唐故事存闻纪精灵昭感果潜通瑞应昭臻知所自飈羽光临神告彰洪源肇启仙遊暨瀨乡旧壤辟珍祠歛謁斋庄敦睿意譙都奏牋達彤庭耆耄云趋共沥诚顺考皇仪尊妙道再脩盛节徇輿情声明文物当兴运申命羣儒究礼经秩秩德音咸布惠穰穰景福必来成恭防愆祀为斋

从企仰真风志克勤肃奉萧芎嘉荐备广覃庆赐湛恩频式扬丕烈心弥洁祗上鸿名道益伸
将覩虞巡陪法从幸同鳧藻乐昌辰

大安殿致斋

国阳崇大报玉宇藻多仪散致尊王度懷柔祝帝僖儲精通合漠玩志協征夷律正风来迴宵
长月上迟漏筒声淅沥陞防影流离夙戒羣伦序交欢百虑怡星繁陈法仗云密防平達传晓
鸣梢动威容罄率祇

大安殿酌献天书

圣运昭惟永高真協降祥方严泰坛祀先荐釜山章典礼官无旷防辰筮有常中天华阙秘象
袞睟容庄宵迴星河灿风防羽卫扬猷酬灵契接陟降寶仪彰顾諟钦元命寅恭達上苍弥文
辉竹帛备物俨萧芎尊道宸心至登春雅俗康犹将奉斋洁禋福俟穰穰

西垣致斋日因成一章呈二相公

掇事脩雩祀斋居近紫庭千门夏雨歇万树夕阳生更散掖垣静风来钟漏清岩廊慙旧德书
殿愧羣英白发将何补丹心忽自惊敢言陪邴魏三接奉休明

琼林院应制

鳳辂出重城宸遊顺物情檻花红藥盛苑树綠陰成雨过池塘静风来殿阁清乐和尧酒满千
载乐升平

和御制祀后土

临晋迎清跸灵坛备克禋荐诚祠后土求福为蒸民展义王猷遠推恩庆赐均千官陪汉祀万
国奉虞巡仗卫明初日郊原丽上春花飞函谷路柳暗大阳津宿麦深藏雉柔桑遠映人河流
回二陝山势壮三秦箫鼓闻睢上旌旗过渭濱天声惊遠野兵气慑邊隣在镐皇權洽横汾睿
藻新周南慙滯迹空想属车尘

述懷

吾家嗣儒业奕世盛冠裳桂籍冠伦輩天下知声光有才无其命不得步玉堂余亦好古者诗
礼承余芳赴义防白刃奋节凌秋霜垂衣遇圣主射防遭时昌十九中高第弱冠司国章棘寺
陪法吏奉使安殊方薄才难变俗贱节惟勤王务简忽兴念不觉心徬徨慈亲违万里瘴雨悲
南荒端居增浩叹离恨销刚肠木落多异感蝉鸣非故乡长思千万乘奉职升周行步武亲王
陞猷纳肩忠良功成自高退散发遊沧浪

古别意

水萤光淡晓色寒庭除索寞星河残清樽酒尽艷歌阕离人欲去肝肠絶露荷香散西风惊征车渐远闻鸡鸣深闺从此泣秋扇梦魂常在辽阳城

江南春

波渺 柳依依孤村芳草远斜日杏花飞江南春尽离肠断苹满汀洲人未归

追思柳浑汀洲之咏尚有遗妍因书一絶

杳杳烟波隔千里白苹香散东风起日落汀洲一望时愁情不断如春水

遠恨

败叶乱如雨暮蝉声似哭感物悲昔心佳期怅难续云山虽阻叹韶华若在目深情染防牋密密空盈幅温瘴鴈不来游鱼隱深谷羽鳞孰可憑音书安可复焚灰寄长风字防魂亦逐

杂言

我徒旷達由胷臆耻学鰕生事文墨蛟龙长欲趁风雷骐驎焉能制銜勒鏐金佩玉良有时丐色諛言尽虚饰功名富贵非偶然扬子草 徒默默楚兰罢秀足蓬蒿青松委干多荆棘争如一醉度流年免使悲欢荡情域

秋兴呈裴李二同年

秋兴逐凉吹防然驱烦襟人悲故乡远叶落空山深楚俗伤去恨秦城稀来音何当返燕渭自乐于园林岁晚乱山外野望谁能同寒沙明夕照败叶惊西风孤烟暝汀树霜气高秋空徘徊念前事旅恨良难穷暇日游建平三间故里庙貌荒凉惨动耳目噫贤者之祀世不絶享郡无正人遗弃若是感事伤俗因留斯句

人生苦遠遊多是悲登眺况复念三间遗踪良可吊道直出章华才高逐边徼冤声喷夜江愁色迷烟峽断碑没败莎古木吟荒庙祠正少来奠岸峻稀停棹神容渍老苔壞壁通残照旧径失朱门空庭起寒烧余基虽索寞清问长光耀旌贤谁再兴勿使过者诮

水阁晨起

板阁常晏眠偶独起清旦月落檐鸟语烟开客船散长江色自澄汀树声空乱羣动又复然劳劳可长叹

晚望有感

出门望寒野四顾惟椒坡忆昔楚大夫迁此情如何残阳半明雨水落西风多因同下蔡恨不觉增悲歌庚辰岁将命至巴东时已秋序霜荷索然偶赋是章用遣幽恨

乘轺偶将命抚俗烟江湄地僻接穷峡务简稀公期秋信任无趣野懷良自宜月白夜蝉响池暗风荷衰溪云入破牖山菊开疎篱貰酒不能醉乡园空结悲徘徊独凝望目极长天涯

成安感秋

蝉噪木叶下逺客忽惊秋凝恨悲晚候万绪皆如抽芳时同梦幻急景如奔流念我何为者年来生百忧贫居负胜事壮岁伤羁遊临民慙墨绶垂钓思沧洲達则济天下穷当守一丘胡能效时輩眴目随沉浮

感兴

忆昔金门初射防一日声华喧九陌少年得意出风尘自为青云无所隔主上抡才登桂堂神京进秩奔殊方墨绶铜章竟何用巴云瘴雨徒荒凉有时扼腕生忧端儒书读尽犹饥寒丈夫意气到如此搔首空歌行路难

暇日

江楼昼静春陰变日午帘空飞乳鷺帆稀客散野岸空隱隱遥峯望中见

父

邮亭落日多飞絮琵琶音重江春暮坐久凝眸欲断肠梅雨如烟暝村树

南浦

春色入垂杨烟波涨南浦落日动离魂江花泣防雨长郊雨余逺树咸翠新蝉忽鸣激耳嘹唳久客孤坐情如何哉形之于文聊以自遣

遥山夏雨歇逺树凉风至憑栏偶开襟新蝉动秋思沙溪洁细流庭木惊疎翠节候又复然幽忧斯所萃芳岁若奔流羲光不停轡感物悼前期谁知此时意

雪霁池上

雪霁池上亭晴光照泉石暖觉岸冰消静闻檐溜滴务简身暂闲景幽心自适极目望南山圭

峯露防碧

有寄

金陵烟草綠玉塞霜天白万里隔關山年来断消息

忠愍集卷中

宋 寇準 撰

春日登樓懷歸

高樓聊引望杳杳一川平
遠水無人渡孤舟盡日橫
荒村生斷靄深樹語流鶯
舊業通清渭沈思忽自驚

秋思

秋氣動天地恍然情未窮
故園應墜葉昨夜又西風
白草侵危堞寒濤接遠空
搔頭當此景無語夕陽中

再歸秦川

阮路何方盡西歸興未勞
河流經陝狹山色入秦高
返照明秋壑孤村接暮濤
還如丁令至故里滿蓬蒿

秋夜獨書勉詩友

西風驚萬木危坐思悠哉
故國經年別秋鴻半夜來
人應多棄善天豈不憐才
休學嚴夫子荒涼老釣台

長安書事

一從洛邑移秦甸三見東郊綻早梅
蓮府昼閑鈴閣閉柳營春暖射堂開
齋壇首冠慙諸將相印兼營接上台
何事燕公輕仗鉞却言分閫是粗才

重陽登高偶作

務閑留上客佳節值重陽
防酒浮仙菊清歌繞畫梁
高城明落日疎樹覺防霜
且盡登臨興余歡尚未忘

塞上

春風千里動榆塞雪方休
晚角數聲起交河水未流
征人臨迴磧歸雁別滄洲
我欲思投筆期封定遠侯

寓居有懷【时年十四歲】

疎林频落叶孤僻继离骚独坐闻鸿遠闲吟见月高梦回更自永思苦夜何劳寂寂西郊内披衣聽海濤

重到进公院

五年重到支公院物态人情尽不同惟有寒怪暗秋色依然蝉噪夕阳中

野步

幽景恣追寻迟迟傍柳陰静思非世务孤立是闲心村迴遙峯出溪明返照侵片沙招野步白鹭伴高吟积雨迴塘涨防晴叠翠深春鳩鸣古寺烟草入平林迸笋行无定飞花势不禁凝然客亭上乡思独沈沈

秋日原上

萧萧古原上景物感离肠遠峽收残雨寒林带夕阳溪声迷竹韵野色混秋光吟罢还西望平沙起雁行

江上晚望懷所知

迟迟迷遠信闲立大江隅游子在何处秋风吹五湖潮回沙鸟聚岸濶钓船孤归去还堪叹田园半已荒

秦中感懷寄江上知己

念子隔江海浩然时已秋蝉鸣關外树人在水边楼发白犹搜句时清尚旅遊遥思当永夜不寐向孤舟

水村即事

虚斋临遠水吟钓度朝晡苇岸秋声合莎亭鹤影孤片云藏叠巘埜烧起寒芜独步时吟望离人隔五湖

暮秋感兴

冉冉前期遠穷途一可伤有时闻落叶不语立残阳塞草秋先白溪沙晚更光那堪望天末燕雁又成行

秋夜感兴寄吴顺之

耿耿不成寐楚乡经暮秋故人遥海峤寒月满江楼闭户生苔藓安闲到白头如何太平日独不出汀洲

夜坐有懷寄张士遊【一作逊】

清夜吟更僻况复古亭间少梦虫声碎无风树影闲月华澄曲沼霜气满空山不见张夫子谁人共往还

送人下第归吴

莺老计还失负书归故乡杏园无近路泽国有高堂白鸟迷幽浦寒猿叫夕阳离懷休堕淚春草正茫茫

秋访江上友生所居

苔石半寥落坐来生遠愁故人应罢钓寒叶自惊秋村隔平沙暝江和暮靄流徘徊不能去此处有扁舟

冬夜旅思

年少嗟羈旅烟霄未进能江楼千里月雪屋一龕灯遠信憑边雁孤吟寄岳僧炉灰愁拥坐砚水半成冰

贻赵少府

夫君何感命十载困风尘薄宦须流落孤吟更苦辛山寒泉易冻边近草难春珍重常招隱慙非孟子隣

春日懷张曙【时年十六歲】

不见张夫子岩花几度新从闲空赋命遠别更伤春雨艇愁天末烟蓑隱渭濱应嗟年未冠已作异乡人

初夏雨中

绿树新陰暗井桐杂英当砌坠疎红重门寂寂经初夏尽日垂帘细雨中

感兴寄莲岳一二诗禅友

西风伤远别前计竟成非芳草此时暮故山何日归
禅应同雅道贫合长天机翻忆云溪伴无
寥对落晖

赠隐士

夫子才名重贫居志未劳吟当寒夜苦闲到白头
高心地通禅寂田园近海涛不知千载后谁
更续离骚

湖上作

极目望南浦望中生远思雁沈芳草渡烧断夕
阳陂岁月寒萍梗江山念别离犹余清夜梦
暂与白云期

有懷

秦川春晚晚汉水路迢迢不待憑危檻离魂已
暗销

送李生归秦中

酒阑还执手之子拟归秦风雪过残岁山川近
早春从游诗思苦远别柳条新后防知何日空
余泪满巾

书懷寄韦山人

万事不關虑孤吟役此生风骚中防趣山水里
心情众木雕寒色空江喷暮声终期谒君子同
绕緑苔行

闲夜围碁作

归山终未遂折柱复何时且共江人约松轩雪
夜碁

纸鸢

碧落秋方静腾空力尚防清风如可托终共白
云飞

春雨

散乱紫花坞空蒙暗柳堤望迴肠已断何处更莺啼

夜坐懷故友

西风起穷巷众木又彫零蕙浦月华白竹牕灯影青故人难重见邻笛不堪聽行傍秋池上孤吟对遠星

南阳市上各赋玉蝴蝶花一絕

堪赏东君造化奇装成蝴蝶满纖枝粉融轻翅攢香蘂疑是寻芳未去时

邨北旅中懷友人

浮世多尘事悠悠难定期梦防懷遠夜秋尽望乡时道在应无闷风浇自业诗何当穷钓渚搯肘一沈思

吊任瓘处士

一生长抱恨终亦是贫居遗信留孤鹤营坟卖古书竹斋无俗物秋圃有寒蔬福善何言昧悠然望太虚

秋懷

落日留不住默然空泪零败莎侵陋巷疎叶满闲庭有趣穷风雅无机敌杳 浮荣安足恋归去乱山青

送友人下第南归

频频退礼闱此去欲忘机霁汉贫难達江湖老独归程遥秋浪叠村暝夜灯微应使为儒者翻悲苦业非

边城春望

独望原西路离襟倍黯然青山遮故国絕塞度新年风聚沙迷岸烟开烧满川归心正无际骠骑莫留连

草

独步高原上依依动所思无人寻蕙径落日满江湄楚泽晴芳处秦川晚翠时此中兴废事千

古复谁知

送左眉川之任

分官离法署承命守眉州山馆隣孤寺春城过乱流江云长映日蜀魄似悲秋到郡扬清政遗黎病必瘳

楚江夜懷

西风生遠水萧飒度吟台明月夜还满故人秋未来寒蛩啼暗壁败叶下苍苔谁念空江外年年首重回

春日书懷

曾读前书笑古今耻随流俗信浮沈终期直道扶元化敢为虚名役片心默坐野禽啼昼景闭门官柳长春陰世间事了须先退不待霜毛渐满簪

离京日作

离歌岂忍罇前聽别恨无由醉里消【余从不饮酒故有是句】惟有梦魂归北阙不知京洛路迢遥

夜泊江上

岁暮峡中村维舟古树根羣峯初落日夜后独闻猿流水自无尽客愁那可论平明离楚防迢递指吴门

新蟬

寂寂宫槐雨乍晴高枝微带夕阳明临风忽起悲秋思独聽新蟬第一声

寄献广南许虞部

南国江山五十州星郎从此播芳猷诗穷雅道皆清唱官重名曹未白头望断蛮村烟树遠吟残岭月海风秋三年政满迎丹诏谏署重膺仄席求

送吉上人

新鸿并落叶正逐朔风飞此地仍分首河山是所归问程云栈遠宿馆雨灯微莫恨天涯别重

寻志未违

秋夕书懷

官路时风渐识情一悲前计遠愁生深秋寒气侵灯影半夜疎林起雨声县印终年拘吏役烟
蓑何日避浮名穷通休问巢莲骨大抵无徒是至清

春郊闲望

风骚高处谢知音公退何妨纵野吟弱柳不能牵别恨片云应念识闲心沙平古岸春潮急门
掩残阳暮草深凝望江臯动幽兴数声钟磬出西林

雨中书事

一雨起前浦霏微向暮秋谁方眠钓艇我独在江楼山晦峯峦隱烟凝岛屿幽何当见晴旭一
得泛回舟

夜懷寄友生

遥夜独无趣恍然思故交泉声飞石壁星影动林梢志壮难低俗情闲任献嘲秋山虽入望犹
不似衡茅

秋夜懷归

背牕寒烛影沈沈楚客乡思欲不禁板阁漏残人自遠水萤光淡夜方深牢愁闻雨眠疎屋归
梦随云彻故林忆着烟村旧风景柿红时节又鸣砧

夏夜闲书

雨蒙村落野梅黄茅阁长吟水气凉幽鸟遠声来独树小荷疎影占前塘闲心终不忘鱼钓澹
分真宜习老庄报国自知无世用烟蓑何日卧清漳

秋兴浩然追忆馆殿幽致偶成长句寄徐休学士

轺车南去咏江天闲忆羣贤倍黯然御水莎青孤立鹭宫槐烟冷数声蝉石渠吏散帘风静鳳
阙云归霁景鲜幽致不知何日共思君惟赋帝京篇

宿江西寺

独宿西林夜凝然静拥袍巫云秋暝峡楚月冷生涛莎败蛩犹噪鄉遥梦亦劳霜风闻落叶还欲续离骚

闻杜宇

曾为深冤无处雪长年江上哭青春平林雨歇残阳后愁杀天涯去国人

巴东寒食

春雨萧萧寒食天遠行犹在楚江边人思故国迷残照鸟隔深花语断烟薄宦未能酬壮节良时空自感流年因循未学陶潜兴长见孤云倍黯然

春晚书事

春尽江天景寂寥思鄉还共楚云遥林花经雨香犹在堤柳无风絮自飘水国独慚临县邑烟郊争合负渔樵青梅时节迟归计且逐余芳殢酒瓢

月夜懷故人

清夜月初满薛庭吟更幽梧桐疎影老蟋蟀乱声秋旧国情何极空江思欲流故人今底处危坐独凝愁

和赵读监丞赠隱士

不爱簪裾陪盛列终年深隱养天机静闻风雨眠渔艇闲称林泉挂道衣门接水村多野色鹤当莎径立残晖高吟幽赏无羈束始觉趋时事已非

雨夜书事

离人聽积雨滴滴动乡心故国程犹遠重门夜正深气昏蒙烬烛巢冷语栖禽遥想江南地余花委故林

归州留別傅君

杨柳如丝拂画桥此中留语欲魂销还愁别后巴东馆独聽空江半夜潮

秋晚闲书

吟情自觉都无趣况复离居感物华厌读羣书寻野径闲收落叶煮山茶烧残寒菊花犹在霜

过香橙味转加因想前期重搔首不堪秋思极长沙

闻笛

平野人归后孤城日落时西风闻一笛惆怅忆桓伊

县斋春书十二韵

县幽无俗事公退只高吟江到荆门濶山连蜀国深峡云长映日蛮雨易成霖羣雀鸣春院饥猿叫夜岑庭荒多古木地僻见沙禽印鑱残阳后人归叠翠陰思乡空索寞素分信浮沈乐静稀尘累甘闲负壮心衰容常懒栴病髮岂胜簪寡欲慵求友防邪每自箴浇风终耻合前事固难堪望断天涯外离魂欲不禁

余顷从穰下移涖河阳泊出中书复领分陕惟兹二镇俯接洛都皆山河襟带之地也每凭高极望思以诗句状其物景久而方成四絶句书于河上亭壁

堤草惹烟连野緑岸花经雨压枝红年来多病辜春醉惆怅河桥酒旆风

蝉鸣日正树陰浓避暑行吟独杖筇却爱野云无定处水边容易耸奇峯

岸濶檣稀波 茫独憑危檻思何长萧萧远树疎林外一半秋山带夕阳

暮天寥落冻云垂一望危亭欲下迟临水数村谁画得浅山寒雪未销时

秋夜懷洛下一上人

游宦忘机从心源亦自澄夜聽吴苑雨秋忆洛城僧木叶惊栖鸟寒牕暗静尘何时过竹院一得问三乘

题花

繁花昨夜香苞裂露裊风吹照野堤能与离人添怅望一时留与子规啼

春望书事

因晴每日向吟台纵目山城景象开白鸟静投沙浦去落花闲逐野泉来客愁已被杨烟染春色难甘蜀魄催看即流芳无处问但将余兴滞黄醅

秋日懷友生

寂寂感离羣前期何足云人从秦岭别蝉向楚江闻村遠孤烟起山空白日曛更逢疎叶落愁绪转纷纷

春初夜书

水国淹留岁月空云山东去阻千重欲令遥夜春愁薄须頼黄醅腊酒浓南浦有潮春栅鏢西牕无睡怯岩钟谁家几防畚田火疑是残灯挂遠峯

江上

古岸萧萧闻去雁平芜杳杳更斜晖空江极目望不尽枫叶半红人未归

夜望

南亭闲坐欲忘机望从村岛屿微数防寒灯起烟浪江船应见夜渔归

送人

客亭残照里歌阕独南行芳草无断色离人多别情遠途方极目长笛更飞声莫动乡關念徒令白髮生

早春

溪水觉暖防函碧山杏经春半吐红不向此时拚一醉到头无计奈春风

寄漳川隱士

志高长説耻鳬趋歳晏园林恋隱居陋巷自甘栖短褐侯门终不曳长裾夜吟雪屋防搜句春结烟簑老钓渔为我红尘偶为吏近来还寄絶交书

又

慵趋大厦恋山薇立志由来与世违溪上有时逢静钓雪中长日掩闲扉自知天爵高人爵不爱朝衣换布衣我逐浮名任飘泊清泉难得共防机

题巴东寺

寺在啼猿外门开古涧涯山深防有径树老半无枝望遠云长暝谈空日渐移恐朝金马去还失白莲期

贈隱士

夫子住東野經年不到城
愛吟無俗趣貪靜得閑名
荒徑侵山影虛堂出燕聲
我慚為俗吏泉石負幽情

南亭晨望寄唐知郡

夢覺偶晨起南軒還獨過
曉光生遠樹露氣冷疎荷
牕白遊塵少風清靜興多
遙知江郡守幽趣在烟波

殘月

半夜沈清影宵殘猶半吟
已甘垂樹杪由得挂天心
淡色迷蓬戶余光映宿禽
誰家傷早別凝思共沈沈

又

光隨春漏細影共夕烟流
若近明河沒還疑墜玉鈎

巴東有感

長歲天涯悲斷梗逢春無處不傷情
那堪日落紅樓畔更聽蕭蕭杜宇聲

首夏書事

牕戶經初雨風清野景饒
閑庭猶戲蝶高樹已鳴蜩
世態貧中覺鄉思醉里銷
縱吟還獨步時復過溪橋

和李逢同年水閣閑望

務簡憑危檻凝然感物華
孤村經野燒極浦見漁家
灘急舟難渡山高日易斜
明時如道在焉復痛懷沙

塞上秋懷

未識窮邊苦今遊信有之
秋林殘照後關路獨行時
磧迴風長急天寒雁度遲
離心已無賴更聽戍樓鼙

送人歸吳

忽忆湖山景沿流兴不穷孤舟将去夜絕塞已来鸿白发前期近沧州旧业空明时方道在莫更学渔翁

秋日

江犬物候潜衰变气爽初疑夏景余雨渍乱苔侵古壁风飘红叶满荒渠晚云连岳幽藏寺秋水澄江静见鱼昔岁一鸣无所恨綠槐金蘂任萧疎

寄贈笠澤处士

笠澤渔人高节竒白头犹自着蓑衣吟过竹院僧留宿钓罢烟江鹤伴归花落砌边春雨歇酒醒林际夕阳防中朝名士皆知己多説东来信亦稀

柳

晓带轻烟间杏花晚凝深翠拂平沙长条别有风流处密映钱塘蘓小家

喜吉上人至

邳北至防城三千里外程劳寻苦吟伴独入乱山行楚水秋无际巴猿夜有声逢师不能寐因话故乡情

早秋二絕

年光苒苒暗推移坐惜流年感旧期独聽早蟬秋色里潘安初见二毛时

一聽早蟬响坐悲芳岁阑新秋空索寞前事但心酸

秋日武關道中

行尘漠漠起西风来往征轩似转蓬驻马几多愁思苦乱蟬衰柳武關中

早春

日暖经冰泮潜回律管春初惊柳色重渐见草芽新罇酒留欢少云溪入梦频惟应五侯地行乐及芳辰

书山馆壁【时年十九】

秋作西南使千林覆去程四时无日影终夜有猿声
路入溪云过人穿鸟道行不堪孤驿望风雨动乡情

送赵主簿之任惠安

萧萧征骑立长亭遥指天涯万里程尊酒欲阑人欲别
夕阳丝管尽离声

秋气凜然庭木将坠道谦上人有南征之役赋诗祖行

洪府多佳致师今欲此行寒山连楚远白浪浸吴平
烟雨经秋迴霜鸿入夜鸣到时春未暮闲聽鷓鴣声

酒醒

胜遊欢宴是良图何必凄凄独向隅深院酒醒春日晚
只闻芳树语提壶

南阳春日

水满池塘花绕城日斜南陌暖风轻千门柳色春烟淡
独倚高楼闻暮莺

春日长安故苑有懷

唐室空城有旧基荒凉长使后人悲遥村日暖花空发
废苑春生柳自垂事着简编犹可念景随陵谷更何疑
入梁朝士无多在谁向秋风咏黍离

送人遊边

遠行当岁暮冰雪路难分正马阳關外边声落日闻

惜花

深谢暖风传馥郁长忧夜雨暗摧残黄昏欲放笙歌散
更绕朱阑子细看

防凉

高梧深密间幽篴乳燕声稀夏日长独坐水亭风满袖
世间清景是防凉

帝城秋望

登临秋向尽千里见王畿过雨山逾翠经霜菊渐稀平原夕霭起高树宿禽归一望關河道空
令咏式防禁中偶书所懷呈内翰同年同院二学士

朝回内省中默坐对西风秋色澄寒沼朝阳上古桐龙墀渐近侍鱼浦忆疎篷防待酬恩了烟
簑伴钓翁

新秋

孤吟绕桐砌时节又西风怅望新秋在欢娱往事空柳条防减翠蓼穗已飘红正是多伤感仍
将别恨中

春昼

年长追遊兴渐凋况兼巴峡景萧萧闲斋为谢杨花到时拂残书慰寂寥

秋日晚晴池上作

雨歇南山积翠明淡云消尽遠天晴漪涟不动秋塘静独拄寒筇绕岸行

夏日

离心杳杳思迟迟深院无人柳自垂日暮长廊闻燕语轻寒防雨麦秋时

留题郡楼

千里關河一望间登临长到夕阳还欲驱征旆归朝去更倚高楼看暮山

青州西楼雨中闲望

海上秋添寂寞情万家烟树暝重城萧萧细雨遙天暮独向空楼闻笛声

中书秋日有懷青社旧遊因书一首

掖垣秋色生鸡树忽忆青丘感旧情曾倚西楼吟暮雨数峯寒碧绕高城

贈寶上人

重城萧寺虽留滞野鹤由来性本闲寒磬终宵鸣竹院虚牕尽日对秋山旋移怪石资吟赏应
有孤云共往还自笑红尘成底事幽期长是负松间

雨夜许氏第防宿各赋四韵

雨夜销烦暑林塘向夕幽庭虚惟欠月树冷欲生秋河北嗟新别樽前念旧遊若非逢胜防何以解离忧

水阁夜望书懷

水阁中宵望寥寥起遠思秋风生折苇星彩动寒池白社孤前约青云少旧知苦吟空自叹风雅道由衰

离京作

致君才业本无能恋阙情懷老不胜欲过龙津回首朧朧初日上觚棱

洛阳道中感懷

天陛初辞咫尺顏恩深犹綴补臣班汉庭旧友雕零尽独拥双旌入武關

初到长安书懷

洵承丹诏抚雕残适值年丰万井安旧职尚兼黄阁贵前驱新拥碧油寒静怜风竹经宵聽老爱山云尽日看魂梦不知關塞外有时犹得到金銮

游花岩寺

寺对南山积翠浓水村鸥鹭下遥空层楼望尽樊川景恨不憑栏烟雨中

寄京兆向相公【敏中】

九万鹏霄振翼时与君同折月中枝试思淳化持衡者得到如今更有谁

和向相公见寄

玉殿登科十四年当时交友尽英贤歲寒惟有君兼我头白犹持将相权

送转运梅学士【询】巡边郡【四首】

怅饮惜离羣穷边去路分雪深山馆夜孤雁背灯闻絕塞程方遠穷陰岁欲殘石城归梦断陇月照人寒水遠沈来信山长叠去愁夜深關月白休凭驿边楼夙驾巡边徼归程隔乱山长安

花木丽春苑待君还

春昼偶书

白昼偶成芳草梦起来幽兴有谁知风帘不动黄鹂语坐见庭花日影移

秋夜懷归

渭水苔矶阻旧遊梦回空馆却凝愁一声江笛巴云暝半夜山风楚树秋星落古池孤影动灯
摇疎壁冷光幽迟明不寐空搔首踪迹何由得狎鸥

忆洛阳

金谷春来柳自黄晓烟晴日映宫墙不堪花下聽歌处却向长安忆洛阳【古歌云金谷园中
柳春来似舞腰那堪风景好独上洛阳桥】

长安春望感懷

灞岸春波遠秦川暮雨微憑高正愁絕烟树更斜晖

春昼

午昼花陰静春风数蝶飞坐来生遠思深院燕初归

岐下秋书

碧树微凉露气清感愁懷旧独含情西楼夜月明如水只欠桓伊一笛声

忆岐下小池

长忆西园清夜景酒阑无不独临池可怜陇月三更白谁见红蕖露滴时

岐下西园秋日书事

务简羣吏散披襟幽兴长松筠经晚节兰菊有清香水净澄秋色山高见夕阳身闲心自泰何
必濯沧浪

秋懷

轻云不动日微陰高树无风秋色深独聽暮蝉临水坐十年林壑阻归心

秋

自古名高众毀归只因身退是知机林风惊断西牕梦一夜秋声忆翠微

冬日北斋

寒风飒飒响庭槐爱日明牕坐北斋闲忆故山归未得旧遊时展认云崖

秋斋

霁景有谁同遠望秋懷无奈只悲歌云收遠峽凝岚翠雨歇空庭败叶多

洛阳有懷岐山旧遊

綠鬢年来已渐雕旧遊芳草路迢迢山横遠翠疑歌黛柳拂轻梢认舞腰秦甸梦回空有恨洛城吟断独无憀斜阳更上高楼望始觉离情一倍饶

忆岐下旧遊

二年岐下假诸侯事简民安选胜遊花寺水村时驻马暮天秋雪独登楼静眠铃阁闻羌笛闲酌松醪引越甌别后几回空有限叶飞蝉噪动离愁

无题

金甲珠襦鏤绣局杜城残月 娥英春风候馆花如雪空有莺传度曲声

秋日登后楼

遠山重叠故關遥公退乘闲上丽譙今日登临秋思苦雨荷风叶共萧萧

早春

星纪周天运防阳气候新郊原初度腊梅柳暗惊春故国无书久孤峯入梦频年加多自感况复送归人

南阳夏日

綠楊陰密覆回廊深院帘垂昼景长人静独闻幽鸟语风来时有异花香世间宠辱皆尝遍身
外声名岂足量闲读南华真味理片心惟有许防庄

夏日有懷

庭树陰陰夏景迟闲房愁对暮帘垂因思徃岁陪天仗正是瑶池赐宴时

途中作

秋末楚云端行侵苔蘚斑愁肠不厌酒病眼岂逢山遠路有时到宦游无处闲却思清渭北烟
柳掩柴關

喜吉上人至

喜师来访我幽防兴何长清论都无倦乡愁顿欲忘疎林秋色暮虚阁水风凉久坐慵言别微
阳下短墙

书黄山馆壁

残日住孤馆迟迟行古台大河连野去白鸟背城来离恨浑如结乡心渐欲灰山花半寥落犹
在社前开

巴东驿秋日晚望

楚驿独闲望山村秋暮天数峯横夕照一笛起江船遣恨须言命 心渐学禅迟迟未回首深
谷暗寒烟

掩卷

掩卷频秋望无人共展眉残阳留古树白鸟下寒池簪组心还倦风骚志未衰登临一长叹还
失渭川期

巴东书事

乡思终日有孤淡厌琴樽众木侵山径寒江逼县门浪沈滩见脊雨过壁生防憔悴悲兰蕙因
思楚屈原

池上秋书

虚斋独语复书空闲对林塘思少同霜叶声干飘夕照露荷香冷泣秋风时平偶作青衫吏心
老浑如白髮翁昨夜渭川归好梦一船烟雨打孤篷

书懷寄郝监军

索居终日学忘机深叹高堂养独迟自问江村紆墨绶何当烟浦坐渔矶梦回渭水秦云断望
尽巴山蜀魄飞好怪多才郝夫子道孤俱未及轻肥

南平驿

心随流水还乡国身向青山上屈盘秋梦不成秋雨细西风一夜客亭寒

闷书

秋忆故乡魂欲断晚临寒浦思如流归来古屋寒灯暗能较骚人几处愁

秋寄江上吟僧

挂锡在荆楚杜门无往还潮声到孤寺月色遍前山一雁惊幽思西风惨病顔何当重携手高
步白云间

江上晚望

寒钟来极浦古寺隔重岩斜日搯頤坐天涯落月帆

金陵懷古

极目望吴甸埜烟凝乱流夜来榆塞雁叫断石城秋旧苑荒余草平川半古丘迟迟独回首落
日一蝉幽

暮春感事

春至又春暮闲心成古心花光随雨薄草色共烟深粉蝶稀狂影黄鹂送好音余芳留不得还
共夕阳沈

秋兴

穷秋九月西风高疎林木落声萧骚出门长望无所适惟见空江生暮涛

春日闲望有感

水乡春气变新正风物光荣异帝城闲步偶寻芳草色空林独聽野莺声烟霞未得从幽兴吟赏潜悲减旧情燕麦杨花自摇荡不知离客困南征

江上闻鷓鴣

水村烟树与云平闲倚孤舟念遠行无奈乡心倍寥落残阳中有鷓鴣声

醉题

榴花满瓮拨寒醅痛饮能令百恨开大抵天真有高趣腾腾须入醉乡来

和赵监丞春江送别

孤舟东去水烟防从客那堪更送归三月江头春尽日片帆轻絮共纷飞

送李生二絕句

爱君白发无羈束命驾常为千里遊一夜春江又回棹当时风雨满汀洲

晴色半和行色遠江头来别欲何之数杯酒尽又南去正是落花春暮时

与诗友防宿

此夕南轩宿论诗万虑防苦吟秋信近寂坐漏声长室静灯光暗桐疎露气凉幽懷聊自遣山色渐苍苍

南冠亭秋晚闲望

南冠亭外淡江天从客登临更浩然遠浦秋深翻白浪孤山日暮起苍烟已嗟异国逢衰节况复西风聽乱蝉倦鸟知还虽有意故林无奈隔秦川

峡中春感

二年穷峡外不见帝城春覽照知年老逢花感恨频浮荣何足贵幽别转难伸终忆归清渭林泉卜旧隣

东归再经峡口

复命经三峡波澜极目愁片云生断壁孤石碍中流道路连巴塞风烟接楚丘重来登望处因念昔年遊

江上晚行

秦川不得却归耕奉诏年来在楚城孤寺残钟催夕照汀洲疎苇送秋声西风独起湖山思久客应知寂寞情野鹤惭无惊弋意对人孤立水烟平

初秋即事

古邑端居夏景移炎飈经雨自收威莲衰小渚秋光淡蝉噪平林夕照微冷句每招江客和深心终约岳云归晚凉却近南亭立独防沙鸥向浦飞

莲

数柄疎荷出小池幽香深榭好风吹晓来秋气凝清露似学湘妃怨九疑

望都雨夜

孤驿萧条风雨夜夜声牕竹动秋声离魂无睡难成梦却绕长廊独自行

成安秋望

八月西风蝉噪时萧萧疎叶已辞枝烟村物景都无頼况是登临有所思

夏日晚凉

微凉天气似秋期风触疎帘影自移遠梦有时寻水寺孤吟终日对莎池笋梢成翠堆轻箨梅实翻黄压嫩枝兀兀腾腾聊自遣此懷深谢老僧知

輦下书懷

身名长似梦家计尽萧然旅宦游梁苑归心满渭川郊原秋变色桑柘晚生烟愿得长闲去何妨老一防

冬日偶书

户庭初过雪鸟雀亦声稀天淡云容结林寒日影微虚名何足道前是旋成非簪绂全忘念终须扫润扉

巴东县斋秋书

讼庭终日静琴鹤亦长闲晚树生凉吹秋思在逵山水穿吟阁过苔绕印牀斑幸有江云看何须卜往还

江行书事

孤棹沿流岸凝懷似旧遊朝云生岳顶斜月动江流贱节难干世离心易感秋因思六朝事千古有遗愁

月夜懷杜陵友生

一忝輶车命三逢水国春重防汉浦月独忆杜陵人旅宦违前计归田失旧隣年来更多绪清泪满衣巾

赠僧

重城须从住尘事日全无落叶惊秋信思山展旧图貌同仙鹤瘦心似片云孤念我浮名在还将静者殊

楚江有吊

悲风飒飒起长洲独吊灵均恨莫收深岸自随浮世变遗魂不逐大江流霜凄极浦幽兰暮波动寒沙宿雁愁月落烟沈无处泊数声猿叫楚山秋

秋雨懷友生

江城秋雨歇孤坐役吟身草色荒三径虫声满四隣边鸿来已近庭叶落还频对此空搔首无由面故人

南亭

初夜南亭望清吟露湿衣雨余羣籁发天淡数星稀秋气又还至故园犹未归虚堂愁重入烛白冷光微

赠惠政上人【惠政成安人也此诗碑在成安县公祠西壁】

寥寥长日掩松關白首忘机古寺间香烬石房终晓讲叶堆莎径忆秋山澄泉心地清无染野鹤精神老更闲孤坐有谁同此意白云空见渚禽还

辇下春望

独向东门凝日望园林无处不啼莺乡心已似杨花乱归路那堪野草生紫陌尽应趋胜地红尘谁肯受闲名年来却羡沧江叟长在湖山听浪声

题杨氏别墅

门巷枕江滨疑将俗境分湖山晴后见天籁静中闻径僻苔空老林寒日渐曛高怀无一事长岁似孤云

再到邺下有感

漳滨胜地皆牢落晚岁重来恨莫收极浦寺藏云树老故人门锁雨苔秋烟霄得路输时彦泉石忘机阻旧游今日重思昔年事放怀惟上夕阳楼

成安秋望有怀

年加心地转如灰书篋经旬亦懒开诗句偶吟皆感事文章无用独伤才秋蝉残韵摇疎树夕照寒光下古台闲绕岸莎看野水暗流红叶不重回

书怀寄唐工部

不才曾忝吾君选紫殿科名志已酬孤立敢言逾素分高吟深愧预清流西风独见江蓠暮红叶还思苑树秋多谢明公知贱节每贻清句缓牢愁

邺中和崔迈著作

虚室凝愁厌夜眠长吟静对欲凉天梦回故国人空远望断重城月自圆时泰未能抛组绶性孤终是忆林泉明朝奉诏遐方去何处烟江寄客船

独倚空楼畏景残凝眸魂断楚云端猿声【一作清】好杂江声听山色【一作远】宜和霁色看鸟掠平芜堪入画风来危槛欲生寒萧萧前浦归防静落日长吟且凭栏

汉上偶书

谪仙唐室游兹郡花下听歌醉眼迷今日汉江烟树静更无人唱白铜鞮【李白常有歌云落日欲没岷山西游客醉归花下迷鹿门小儿霁拍手拦街争唱白铜鞮】

春陵闻雁

萧萧疎叶下长亭云淡秋空一雁经惟有北人偏怅望孤城独上倚楼聽

又

危栏秋尽偶来凭霜落秋山爽气澄谁道衡阳无雁过数声残日下春陵【衡州有回雁峯云雁止于衡阳不度】

贈魏野处士

人间名利走尘埃惟子高闲晦盛才欹枕夜风喧薜荔闭门春雨长莓苔诗题遠岫经年得僧
恋幽轩继日来却恐明君征隱逸溪云谁得共徘徊

忠愍集卷下

宋 寇準 撰

荆南秋望

西风吹户牖犹自客荆蛮积水浮秋汉防阳淡远山蝉稀疎叶尽雨歇片云闲何日忘簪绂深居石室间

江上送别

浪 春江远树微落花风雨共凄凄愁人此际肠须断况是登临更送归

送人往岭表

炎光君此去旅恨杳何穷海树瘴烟黑蛮村山路中

秋日

柳衰蝉噪寒烟淡地迴山遥暮雨收宛是昔年秋气味只添多病与离愁

留题洛北罗汉阁

地高阁迴宜闲望望尽云山首懒回林下野僧应笑我半年旌旆四曾来

判都省感懷

昔为学士掌三铨屈指年光三十年秋雨滴阶桐已老白头重到倍依然【余顷年手植桐树在省有朽者】

辇下春日

雨余宫阙丽春陰三月花光照上林谁倚青楼望归骑日斜南陌柳烟深

南宫斋宿静思陝城东阁竹

南宫向夕景弥清风竹萧然动远情忆到陝城东阁畔拂牕敲砌送寒声

途次方城

方城旧路四曾过此度偏饶怅望多独倚客亭思往事南阳何异梦南柯

经郴州永兴驿

昔拥双旌在防城今朝孤馆语同名天遥秦树无因见极目空饶怅望情

临海驿夏日

岭外炎蒸当盛暑雨余新馆觉防凉最怜夏木清陰合时有莺声似故乡

海康西馆有懷

风露凄清西馆静悄然懷旧一长叹海云销尽金波冷半夜无人独凭栏

长安春日

淡淡秦云薄似罗灞桥杨柳拂烟波夕阳楼上山重 未抵春愁一倍多

病中书

多病将经岁逢迎故不能书惟看药錄客只待医僧壮志销如雪幽懷冷似冰郡斋风雨后无
睡对寒灯

长安春书

务闲公府都无事骑吏前驱引马行雨霁晚街官柳色日长春寺讲经声云山已有终南秀泉
石犹思洛下清闻道曲江新水满欲携歌管出重城

宫词

长门秋夜雨牕外滴寒声悔不先辞辇应无别恨生

柳

丝翠最宜经宿雨絮飞争忍逐香尘帘垂独院无人处一树风摇日午春

杜陵

燕有情还至花无主乱开杜陵人不见夜月自徘徊

左冯寺楼闲望

闲思至道年中事独倚左冯城外楼目断平臯人不见暮天无际水悠悠

偶书

往事都如梦流年只断魂不堪春尽日细雨欲黄昏

途次邓州

南阳西去见遗基驻马平郊远树防自笑平生无所着不如山鸟解思归

春雨

漠漠霏霏着柳条轻寒争信杏花娇江南二月如烟细谁正春愁在丽谯

感旧

长思密勿侍 泉丹地翱翔独少年重到文昌倍惆怅秋风霜鬓共萧然

途次三絶

秋风故關路蝉噪日斜时有客驱征马茫茫天一涯大泽荒草濶行人心惨凄边云时断续流水自东西沙濶戍楼迴风高边日清迟迟驱匹马何处问归程

冬日偶成

正是旅愁悲遠宦况逢边塞向残年轮蹄影絶冬深路鸟雀声稀雪后天探骑经旬无使客戍楼终日有烽烟病来无复拈樽酒独向虚牕尽日眠

九日郡公出游郊外余方卧郡斋聽水因寄一絶呈诸官

菊老东篱人病酒西风黄叶满荒田不知今日登高兴何似虚堂聽水眠

春日偶书

柳岸花塘慵独赏闭门春尽阻闲游少年多故心先老却被人疑似白头

送温尚书入洛

萧萧红叶马前飞又送王孙昼锦归
却到旧遊应怅望故溪秋蘚满鱼矶

小韩店

昔从邺下游梁苑孤店曾经十数回
岁月暗移人事改白头重到小韩来

虚堂

虚堂寂寂草虫鸣欹枕难忘是旧情
斜月半轩疎树影夜深风露更凄清

忆樊川

闲想旧遊都是梦别来秦树又西东
高秋最忆樊川景稻穗初黄柿叶红

东牕

徙倚东牕夜未明悄然幽馆独凝情
灯摇古壁秋虫怨露下疎林宿鸟惊
道在任从时态薄年加潜觉睡魂轻
待酬北阙君恩了归聽水泉落石声

九日不饮

云淡长空日欲斜水边衰柳噪寒鷗
病来不饮空凄感独绕东篱咏菊花

和人春暮

流年赋分长多感尽日长思立短亭
犹谢海棠花始发似留春色向凋零

又

昔曾过洛浦遗恨写苍苔往事诗空在
春深我独来

蚤行

严钟将报曙游子已登涂野火时明灭
残星似有无